

開放文學－諷刺警世－海遊記
第十六回 金沙島財多官商受惑 素貞局勢大文武遭殃

詩曰： 富貴雙全已極榮，思量只怕不長生。

真仙活佛如能到，白玉黃金總看輕。

豈但信邪聽妄語，也因好善博虛名。

官員商賈掄揚遍，虎豹從今羽翼成。

沙司聞有仙佛，大喜。即請會二人，向沙司道：「件件俱好，還須積壽。」便送緣簿論寫，不多時寫來。道：

沙帥 周敦，五百兩，

沙司 魯炎，五千兩，

部郎 水清，三千兩，

副司 官兆，一千兩，

沙使 王福，五百兩，

沙使 朱慶，五百兩，

沙使 宋金，三百兩，

沙使 徐華，二百兩，

沙商 餘市，三千兩，

沙商 餘利，二千兩，

沙商 餘達，二千兩，

沙商 陳萬，五百兩，

沙商 海納，一千兩，

沙商 王承，三百兩，

沙商 張祐，二百兩。

二人見寫二萬兩，大喜。鑒清先回，臧居華收銀。值香岩島副帥文和路過，沙司留飲。說起仙佛，請臧居華見。文和字梧窗，六十無子，續妻年未三十，前妻一女，及笄，患病。臧居華道：「令愛恐成乾血癆。」文和求救，臧居華道：「親求活佛可救。」文和把妻女送到鑒清處，半年方回。臧居華回島與鑒清商議，設素貞局開規條，請瘦羊出示道：

一孀婦過青年。不旌遵照，概不收養；

一預先報名，董事查明，實無父兄、親眷者准入；

一各住一房，親人不許入視，以期肅靜；

一在局不安者，逐出。挾嫌妄控不准；

一天年不測，董事自行收埋，毋庸報官，以免拖累；

一內總門除二董事外，不許窺探。

告示掛出，文武生員議論道：「青年孀婦，母子不許見。只見一賊一僧，成何善舉！」二人聞得，設計降他。恰武生梅春穿皮衣相遇，臧居華道：「此衣新買，上有紙票。」乃解，放手中。梅春去遠。請鑒清道：「票上有梅春花押，我有計了。」寫成稟帖，與鑒清看道：

素貞局董事臧居華，為凶騙事，有武生梅春持皮衣來局，要質五十兩。華畏凶，以二十兩質付。春收銀，僅將衣票付，華口稱將衣到他處再質三十兩，方敷數。華不敢阻。黏呈衣票上有梅春花押，衣店圖書切據，求究追。

鑒清送與瘦羊，堂訊將衣貯庫，繳銀回贖。梅春告府狀，那艾奇換了王仁，收狀未訊，值總帥病故，文和來署，先謁仙佛。鑒清道：「你是瘋狗轉世，不該好遍同胞姐妹；又不該帶來文字在屁股裡者；試某事欺君，某事害民，已報無子，還恐遭刑。」文和污流求救。鑒清道：「惟除惡可救。」遂拜二人為師，查訪惡人，請告知照辦。

王仁、羊智聞總帥如此，爭來奉承。素貞局對門醫生孫照叔姪六人，素不與董事為禮。二人向丈和說：「外有孫家六虎，不可不除。」文和拿禁局後門鄰王興，因到灰送交瘦羊，帶了石墩。已故學究季謙門生甚多，子秀才季恩常集文會。二人要降文生，寫字與文和，迅速拿藏妖洞主季恩，文和委瘦羊拿訊。季恩上堂道：「生員何罪？」瘦羊道：「大人訪拿，自然大罪。」季恩道：「無人告過生員。」瘦羊道：「誰敢太歲頭上動土？」季恩道：「生員從不曾告過人。」瘦羊道：「指揮足矣，那用自告，暗箭勝明槍。」遂收禁，禁了年餘。季恩是寒士，老母急死，妻賣住房營葬。因感書吏吳明照應，一女送他為媳，妻子皆餓死。吳明出詳道：「遍查無案，招告無人，如何發落？」文和批革放。季恩放出，自盡，從此文武無一敢議。局中寫功德，太學陶秀不肯多出。秀年未三十，妻不育，娶妾湯嬌鶯，三口和美。臧居華家庖人宋鳴，兒子宋痢痢與嬌鶯之父湯求同村。臧居華命宋鳴把湯求引來。正是：

鴛衾能使分佳侶，